

## 《淨土十疑論》 補充講表

### ◎附表四：第五疑、第六疑

○釋迦佛說經時，皆有十方恒沙諸佛，舒其舌相，遍覆三千大千世界，證成一切眾生念阿彌陀佛，乘佛大悲本願力故，決定得生極樂世界。

《無量壽經》卷下云：「諸佛告菩薩，今覲安養佛，聞法樂受行，疾得清淨處。

至彼嚴淨國，便速得神通，必於無量尊，受記成等覺。

其佛本願力，聞名欲往生，皆悉到彼國，自致不退轉。」

○一者、外道相善，亂菩薩法；二者、無賴惡人，破他勝德；三者、顛倒善果，能壞梵行；

《成唯識論觀心法要》卷四云：「若欲出輪迴，必先勤觀無我。然此第七識之俱生我執，

細故難斷。必先用第六識，與相應之正慧心所，依於大乘教理，如

實觀察，俾無我正解種子，漸熏漸著，至成熟位，方得無漏實智現

前。今人輒談六度萬行，而於破執法門曾不究心，求出輪迴不亦難乎？……吾人發大乘心，須於唯識相性深生信解，然後修習菩提資糧，可名順解脫分，否則縱修諸行，但是人天有漏之因而已。」

澄叟法師於《淨土十疑論注》云：「人天之果，非無漏善，暫樂還苦，名為顛倒。」

○然念佛三昧，並無漏善根所起，有漏凡夫，隨分得見佛身粗相也，菩薩見微細相。

《阿彌陀經疏鈔》云：「託彼名號，顯我自心」。

《阿彌陀經要解》云：「當知離卻現前一念無量光壽之心（體、性），何處有阿彌陀名號（用、相）；而離卻阿彌陀名號，何由徹證現前一念無量光壽之心。願深思之！願深思之！」

○一者、阿彌陀佛大悲願力攝持，故得不退。

第十願、不貪計身

《無量壽經》卷上云：「設我得佛，國中天人，若起想念貪計身者，不取正覺。」

《阿彌陀經要解》云：「今淨土五逆十惡，十念成就，帶業往生，居下下品者，皆得三不退。然據教道，若是凡夫，則非初果等；若是二乘，則非菩薩等；若是異生，則非同生性等。又念不退，非復異生；行不退，非僅見道；位不退，非是人民。躡等則成大妄，進步則捨故稱。唯極樂同居，一切俱非，一切俱是。十方佛土無此名相，無此階位，無此法門。非心性之極致，持名之奇勳，彌陀之大願，何以有此！」

○二者、佛光常照，故菩提心常增進不退。

《無量壽經》云：「佛告阿難：無量壽佛，威神光明，最尊第一，諸佛光明所不能及。」

一、稱說得隨願往生益

又云：「若有眾生，聞其光明威神功德，日夜稱說，至心不斷，隨意所願，得生其國。

二、往生得如佛光明益

為諸菩薩、聲聞之眾，所共歎譽，稱其功德。至其最後得佛道時，普為十方諸佛菩薩，歎其光明，亦如今也。」《維摩詰經》云：「已得無生忍食此飯者，至一生補處，然後乃消。」

○水、鳥、樹林、風聲、樂響，皆說苦、空，聞者常起念佛、念法、念僧之心，故不退。

《觀無量壽佛經》云：「一一池水，七寶所成。從如意珠王生，分為十四支；其摩尼水，流注華間，尋樹上下。其聲微妙，演說苦空無常無我、諸波羅蜜，復有讚歎諸佛相好者。」

《觀無量壽佛經》云：「如意珠王，涌出金色微妙光明。其光化為百寶色鳥，和鳴哀雅，常讚念佛、念法、念僧。」

《觀無量壽佛經》云：「八種清風，從光明出，鼓此樂器，演說苦、空、無常、無我之音。」

○四者、彼國純諸菩薩以為良友，無惡緣境。

《阿彌陀經》云：「舍利弗，眾生聞者，應當發願，願生彼國。所以者何？得與如是諸上善人，俱會一處。」（要解云：前羅漢菩薩，但可云善人。唯補處居因位之極，故云上。）